

Білгір басшы және ұйымдастырушы облыс басшылығы Сапар Ысқақовты 1971 жылы облыстық атқару комитетінің күрделі құрылыс басқармасының бастығы етіп тағайындайды. Ал, 1977 жылы облыстық партия комитеті оны село құрылысы жүйесіне қызметке жібереді. Алғашқысында басқарма бастығы, сосын «Тургайсельстрой-15» тресінің бас инженері болады. Ал 1981-1983 жылдар аралығында Алматы және Атырау қалаларында әр түрлі құрылыс ұйымдарында басшылық қызметінде болады.

Республикаға танымал құрылыс саласының ірі ұйымдастырушыларының бірі Сапар Ысқақов 1983 жылы Қазақ ССР-нің ауыр құрылыс министрлігінің жүйесіне ауысады. «Тургайалюминстрой» тресіне қарасты құрылыс басқармасының бастығы, трест басқарушысының орынбасары лауазымдарын атқарды. 1987 жылдан 1990 жыл аралығында «Қазжөндеу тұрғын үй жобасы» жобалау институтының директоры болып жұмыс істеген.

Құрылыс саласындағы ерен еңбектері үшін Сапар Ысқақов Республикасының селолық құрылыс және ауыр құрылыс министрлігінің, сондай-ақ Торғай облыстық атқару комитетінің Құрмет грамоталарымен марапатталған. Атақты құрылысшы ретінде ол «Қазақ ССР-нің еңбегі сіңген құрылысшысы» атағына ұсынылады. Бүгінгі таңда оның құрылыс саласындағы еңбегі туралы жүзден астам экспонаттары Арқалық қалалық өлкетану мұражайында және Амангелді селосындағы А. Иманов атындағы мұражайда сақталған.

Ол қазақстандағы, Таяу Шығыстағы, Кипрдегі, Монғолиядағы, Солтүстік Африка мен Еуропадағы және тағы басқа да көптеген ғылыми экспедициялардың демеушісі.

Сапар Ысқақов отбасымен бірге Еуропаның, Азияның, Африканың, Американың, Австралияның және Антарктиданың (Оңтүстік полюс) 130-дан астам еліне, яғни, барлық алты құрылыққа саяхат жасаған.

Ол Археология ғылыми-зерттеу институты жүргізетін археологиялық жұмыстарды қаржыландырады. Қ.Ақышев Астана маңында (Ежелгі Бозақ қонысы) және Маңғыстау облысында Үстірт үстірінде; археолог В.Воло-



шиннің Ақмола облысында жүргізген археологиялық жұмыстарды (2,5-3 миллион жылдық ежелге адамдардың орны) сондай-ақ Торғай облысының аумағында геоглифтерді (2000-3000 ж.ж.) зерттеу (2010 ж.) бірнеше ғылыми еңбектерді шығаруға дайындаған. 2016 жылдан бастап, ол археолог З.Самашевтың Торғай өңірі аумағында жүргізген археологиялық жұмыстарын (Ғұндар кезеңіндегі қорғандарды қазу) қолдап, қаржыландырды. 2017 жылы Сақа қорғанында қазба жұмыстарын жүргізген.

Сапар Ысқақов 2003 жылдан бастап қайырымдылық іске белсене араласады. Әсіресе, сол кезде елордада қазақ азаматтарының арасында атымтай жомарттық өзіндік деңгейге көтерілмеген болатын. Торғай елінің тумасы біреуге қол ұшын беріп, көмектесуді өз әулетінің ұрпақтан ұрпаққа жалғастырып келе жатқан дәстүрі деп біледі. Қалталы азаматтардың назарын өзінің қайырымдылық шараларына аударту мақсатында

«Тілеп» қайырымдылық қорын құрады. Ең алдымен мүгедектер мен жасы ұлғайған қарттарға, жетім балаларға көмектесе бастайды. Ал 2004 жылы жетім балаларға арнап отбасылық «Дәмелі» атты балалар үйін ұйымдастырып, барлық шығынын өз мойнына алады. Өз қаражатының есебінен Астана қаласындағы «SOS Киндерддорф» балалар ауылының аумағында екі коттедж салып пайдалануға берген.

Халық айтса қалып айтпайды. «Жапалақ басып жейді, сұңқар құс шашып жейді», - демекші, қолы ашық азамат Сапар Ысқақұлы тапқан-таянғанын тек өзіме ғана болсын демеуді, әрдайым халқыма болсын дейді.

Туған елі мен жерін, мәдениеті мен өнерін осылайша Сапар Ысқақұлы секілді терең сүйетін азаматтар көп болса келешегіміздің кемел болатыны сөзсіз.

Айгүл НҮРЕКИНА,
Арқалық өңірлік архивінің
жоғарғы санаттағы
архивисі.

Жиһангер

Жер шарын аралап келе жатқан ғажап саяхатшы, ХХІ ғасыр жиһангері, кәсіпкер, меценат, мамандығы инженер құрылысшы, ісі қайырымдылық, ермегі саяхат, жетістігі Қазақстан Республикасы президентінің Құрмет грамотасының иегері, «Жыл адамы», «Алтын адам», «Жыл патриоты», «Ғасыр меценаты», еліміздің құрылыс саласына қосқан ерекше үлесі үшін «Қазақ ССР-нің еңбек сіңірген құрылысшысы» атағын алған, Халықаралық «Меценаттар академиясының», «Туризм және спорт академиясының» академиктері, оңтүстік пен солтүстік полюстерге еліміздің көк байрағын желбіреткен азамат, «Империя» орденінің иегері, жерлесіміз Сапар Ысқақов - 80 жаста.

Сапар Ысқақұлы 119 күнде жер шарын кемемен кезіп

шыққан, қазақ елін насихаттау мен айналысқан. Авторлық жобасы «Ұлы Даладағы Мәңгілік ел» экспедициясы аясында 40-50 елде болған. Балалар мен жасөспірімдер туризмін дамытқаны үшін бірнеше елдің жоғарғы марапаттарына ие болған жерлес азамат.

Қазақтың тұлғасы биік, талғамы парасатты, атымтай жомарт азаматы Сапар Ысқақов 1941 жылы 5 тамызда Қостанай облысы, Амангелді селосында қызметші отбасында дүниеге келген.

1965 жылы Қарағанды политехникалық институтын бітіріп «инженер-құрылысшы» дипломын алады. Сол жылы Мәскеу инженер-құрылыс институтында «Құрылыстағы экономика және қаржы» мамандығына да ие болады. Қарағанды қаласында үш жыл бойы үй құрылыс комбинатында инженер-конструктор қызметін атқарады. Осы жылдары жас құрылысшы көп тәжірибе жинақтайды, әртүрлі сынақ жұмыстарына қатысады. Құрылыс технологиясының небір қыр-сырын үйренген. Орталық Қазақстандағы ең ірі құрылыс кәсіпорнында сол кездерде қара көз азаматтар сирек болатын. Өзінің білімдарлығымен және тиянақты - қылығымен өзін-

дік абырой-беделге ие болып жүрген Сапар Ысқақов «Правда» газетінен Амангелді аудандық партия комитетінің бірінші хатшысы Оразалы Қозыбаевтың «Торғай шақырады» деген мақаласын оқиды. Үлкен тебіреністе болып, туған жерге деген патриоттық сезімі оянады. Жас құрылысшы жастық пен арман қала атанған Арқалыққа келеді. Бұл 1968 жыл еді. Сапар Ысқақовтың Торғай жеріндегі нағыз өмір жолы осылай басталады.

Ол «ТургайАлюминстрой» трестіне мастер болып орналасады. Алғашқы күннен оның өз ісіне деген ұқыптылығы, біліктілігі біліне бастайды. Құрылысшылар арасында өзіндік құрметке бөленеді. Қысқа мерзім ішінде Сапар Ысқақов прораб, монтаждау учаскесінің бастығы дәрежесіне көтеріледі.

1970 жылдың қараша айында Торғай облысы ашылып, оның орталығы Арқалық қаласы болып жарияланады. Арқалық қаласының Бас сәулетшісі Сапар Ысқақов бұл хабарды зор қуанышпен қабылдайды. Жаңа облыстың орталығы құрылыс алаңына айналады. Ол барлық күш-жігерін, білімін туған қаласының гүлдене түсуіне жұмсайды.

Жалғасы 6 бетте